

"মিষ্টি বাচ্চা - সেবার জন্য নতুন নতুন উপায় বের করতে থাকো । ভারতকে দৈবী স্বরাজ্য বানানোর জন্য বাবার সম্পূর্ণ সাহায্যকারী হও"

প্রশ্ন :- বাবা তাঁর বাচ্চাদের কোন্ স্মৃতি মনে করিয়ে দিয়ে তাদের কাছে একটি আশা রাখেন ?

উত্তর :- বাবা এই স্মৃতি দেন যে বাচ্চারা, তোমরা কল্পে কল্পে মায়াজিত আর জগতজিত হয়েছো । তোমরা মাতা - পিতার হৃদয় আসনের জয় পেয়েছো তাই এখন তোমরা মায়ার তুফানে ভয় পাবে না । কখনোই মায়ার বশে এসে কুলকে কলঙ্কিত করো না । অতি প্রিয় বাচ্চারা, তোমরা এই বুড়ো বাবার দাড়ির লাজ রেখো । এমন কোনো কাজ করো না যাতে বাবার নাম বদনাম হয়ে যায় । তোমরা যোগ বলের দ্বারা বিকারকে দূর করে, বাবার সমান নিরাকারী, নিরহংকারী হও ।

গীত :- (দর পে আয়ে হয় কসম লে, দিল হাথেলি পর লে, শুনলে, হম না যায়েঙ্গে) প্রতিজ্ঞা নিয়ে তোমার দ্বারে এসেছি ...

ওম শান্তি । মিষ্টি - মিষ্টি হারানিধি বাচ্চারা খুব ভালোভাবে জেনে গেছে যে, বেহদের বাবার থেকে বাচ্চারা অবশ্যই ভালোবাসা পায় । হদের লৌকিক বাবা যেমন তার নিজের বাচ্চাদের ভালোবাসেন । তাদের খুব ভালোভাবে দেখভাল করেন, তাদের সেবা করেন, মনে করেন যে, এতে আমাদের কুল বৃদ্ধি পাবে । ভক্তিমাগেও বেহদের বাবাকে সবাই স্মরণ করে । অবশ্যই তাদের কখনো বাবার সাথে মিলন হবে । এখানেও বাবা বলেন ---আমি তোমাদের বাবা, আমিই তোমাদের শিক্ষা দিই অর্থাৎ এই ড্রামার আদি, মধ্য এবং অন্তের জ্ঞান আমিই দিই । একেই জ্ঞান বলা হয় । বাকি শাস্ত্রে আছে ভক্তিমাগের জ্ঞান । তাতে কোনো মুক্তি বা জীবনমুক্তি পাওয়া যায় না । বাবা বলেন সকলের মুক্তি বা জীবনমুক্তি আমিই দিই । আমাকেই মুক্তি আর জীবনমুক্তি দিতে আসতে হয় । তাই কল্পে - কল্পে, কল্পের সঙ্গম যুগে আমাকে আসতে হয় । ড্রামা অনুসারে মায়া রূপী পাঁচ বিকার তোমাদের দুঃখী বানায় । তোমরা জানো যে এখন দুঃখের পাহাড় ভেঙ্গে পড়বে । এখন বিনাশ হবে । সেই সময় কোনো কারণ ছাড়াই রক্তের নাটকের পার্ট শুরু হবে । তখন কতো রক্তের নদী বইবে, সত্যযুগে কিন্তু ঘিয়ের নদী বইবে । যখন রক্তের নদী বইবে তখন চারিদিকে হাহাকার শুরু হবে । সবাই খুব দুঃখী হবে । এখন বাচ্চাদের খুব ভালোভাবে বাবার এই সেবা বাড়াতে হবে । সাহায্যকারী তোমাদের দ্বারা এই ভারত স্বর্গ হবে । তোমরা জানো যে, আমরাই সেই হারানিধি ব্রাহ্মণ কুল ভূষণ বাচ্চা, যারা ভারতে আবার দৈবী স্বরাজ্য স্থাপন করি । আমরা বাবার থেকে দৈবী স্বরাজ্যের আশীর্বাদী বর্ষা গ্রহণ করি । বাবা বলেন -- বাচ্চারা, তোমরা এই সেবার নানা উপায় বের করতে থাকো । বাবারও তো সেই চিন্তাই চলতে থাকে, তাই না । একেই স্বদর্শন চক্র বলা হয় । এ খুবই সুন্দর জিনিস, এর উপরে তোমরা খুব ভালো সেবা করতে পারো । এই রাজধানী স্থাপন করাতে বা ভারতের রাবণ রাজ্যকে পরিবর্তন করে রাম রাজ্য স্থাপন করাতে কোনো খরচ নেই । তোমরা হলেই নন - ভায়োলেট, অহিংসক । তোমরাই সর্বগুণ সম্পন্ন, ১৬ কলা সম্পূর্ণ, সম্পূর্ণ নির্বিকারী, অহিংসা পরম ধর্ম হও ।

তোমরা বলো যে -- আমাদের বাবার সাহায্যকারী হয়ে ভারতকে হীরের তুল্য বানাতে হবে । কল্পে - কল্পে আমরা এই সেবাই করি । এখন আমরা সেই গড - ফাদারলী সার্ভিস করছি । এখানে গড

ফাদারলী স্টুডেন্টও যেমন আছে, তেমনি গড ফাদারলী চিলড্রেনও আছে। আমাদের উপর অনেক বড় দায়িত্ব। যারা বাবার বাচ্চা হয়, তাদের উপর অনেক দায়িত্ব থাকে। বাবা বলেন, সাবধান থেকো, কখনোই কোনো ভুল করে ফেলো না। বাবা অনেক ধরনের সেবা বলে দেন যে কিভাবে ভারতবাসীদের বেহদের বাবার থেকে আশীর্বাদী বর্ষা নেওয়ার রাস্তা বলা যায়। তাদের বোঝানো হয় যে, এই আশীর্বাদী বর্ষা হলো সত্যযুগের ২১ জন্মের জন্মসিদ্ধ অধিকার। সত্যযুগী দৈবী রাজত্ব তোমাদের গড ফাদারলী জন্মসিদ্ধ অধিকার। বাবাই হলেন স্বর্গের স্থাপনাকারী। তোমাদের পুরুষার্থ এখানেই করতে হবে। এমন নয় যে, তা সত্যযুগে করবে। বাবাকে বোঝাতে হয়, তখনই সমস্ত বাচ্চারা শোনে। এই গোলা হলো স্বদর্শন চক্রের, আয়রন সীটে বড় বড় বানিয়ে কোনো বড় জায়গায় রাখো। নীচে সবকিছুই লেখা আছে। যারা দেখবে, তারাই বুঝবে যে, এ তো ঠিক কথা। সময় ধীরে ধীরে কাছে আসতে থাকবে। মানুষ মনে মনে বুঝতে পারবে যে, বরাবর সত্যযুগ খুব কাছাকাছি। বাবা সময় মতো বাচ্চাদের সেবার প্রতি রায় দিতে থাকেন। তিনি বলেন - এমন করো তাহলেই সেবা বাড়তে থাকবে। প্রত্যেকেই নিজের ঘরে এই বোর্ড লাগাও। শিববাবার চিত্রও যেন থাকে, তিনিই হলেন গীতার ভগবান। তাতে যেন লেখা থাকে যে - দৈবী স্বরাজ্য তোমাদের জন্মসিদ্ধ অধিকার। প্রত্যেকেই নিজের ঘরে বোর্ড লাগিয়ে দাও। তোমরা তো জ্ঞান - গঙ্গা। এই বোর্ড দেখে অনেকেই আসবে। তাদের বোঝাতে হবে। তোমাদের আত্মাদের বাবা হলেন নিরাকার। তোমরা সকলেই ভাই - ভাই। আমরা সেই বাবার থেকেই আশীর্বাদী বর্ষা নিচ্ছি। এর পরে অনেক ধুমধাম হবে যে, সেই ভগবান এখানে এসেছেন। নাম তো হলো ব্রহ্মাকুমার - কুমারী। শিববাবারও নাম আছে। এর পরের দিকে মানুষ বুঝতে পারবে যে, রাজধানী তো অবশ্যই স্থাপন হবে। এই যজ্ঞে অনেক বিঘ্ন হয় কেননা এখানে কেউই রাজা - রাণী নেই। এখানে এখন প্রজার ওপর প্রজার রাজত্ব। কাউকে বোঝালে সে যদি ব্রহ্মাকুমারীর পক্ষ নিয়ে নেয়, তাহলেও অনেকে হাঙ্গামা করে দেবে। মনে করে সমস্ত ধর্ম মিলে যেন এক হয়ে যায়। এখন যে ভিন্ন ভিন্ন ধর্ম আছে, তারা কিভাবে এক হবে। নিজেরাই বলে - আমরা কোনো ধর্ম মানি না। নিজের ধর্মকে ভুলে যাওয়া - এও এই নাটকেই লিপিবদ্ধ। যখন অন্য ধর্ম স্থাপন হয় তখন দেবী দেবতা ধর্ম প্রায় লোপ হয়ে যায় তাই তখন সবাই নিজের হিন্দু বলে দেয়। দেবতা ধর্ম যখন লোপ হয়ে যায়, তখন বাবা বলেন, আমি আবার সেই দেবী - দেবতা ধর্ম স্থাপন করতে এসেছি। সামনে অনেক ধর্মের বিনাশও হবে। বাকি কতো সময় আছে। নানা বিপর্যয়ও আসবে। মানুষ তো বলে থাকে, সত্যযুগ আসতে লাখ বছর বাকি। তোমরা জানো যে, আজ নরকে আছি, কাল স্বর্গে যাবো। আমরা আত্মারা এখন ছুটছি। এখন আমাদের ৮৪ জন্ম সম্পূর্ণ হয়েছে। দুঃখের পার্টও সম্পূর্ণ হয়েছে। ব্যস বাবা, এখন আমরা এলাম বলে। এ হলো আমাদের অন্তিম জন্ম। সাজন বাবা এখন এসেছেন। তিনি বলেন - এখন তোমরা পবিত্র দুনিয়ার যোগ্য হও, তাহলেই আমি সাথে করে নিয়ে যাবো। যোগে যদি যোগ্য হতে না পারো তাহলে শাস্তি খেতে হবে। আবার পদও কম হয়ে যাবে। এই কথা তো খুবই সহজ। বেহদের বাবার থেকে তোমরা বেহদের সুখ পাও, তাই সেই বেহদের বাবাকে আর বেহদের সুখকে স্মরণ করতে হবে। তোমরা যত চাও স্মরণ করো, আর যত স্মরণ করবে, তেমন পদ পাবে। আট ঘন্টা অবশ্যই স্মরণ করার প্রয়োজন। তোমাদের পুরুষার্থ করতে হবে। তোমরা এই কথাও জানো যে, আগের কল্পের মতোই বাচ্চারা পুরুষার্থ করে। একে সাক্ষী হয়ে দেখা হয় -----কে কতটা পুরুষার্থ করে অতি প্রিয় বাবার থেকে আশীর্বাদী বর্ষা নেয়। কল্প - কল্পান্তর তাই নেওয়ার জন্য অধিকারী হবে।

বাবা রাজযোগ শিখিয়েছেন স্বর্গের জন্য। লৌকিক বাবাও বাচ্চাদের কতো দেখভাল করেন। বেহদের বাবাকেও কতো দেখভাল করতে হয়। মায়া অনেক হয়রান করে, অসুস্থ করে দেয়। তখন বাবা এসে ওষুধ দেন। সে হলো সঞ্জীবনী বুটি। বাকি হনুমান কোনো পাহাড় থেকে বুটি নিয়ে আসে নি। কেবলমাত্র বাবা আর আশীর্বাদী বর্সাকে স্মরণ করতে হবে। বাবাকে স্মরণ না করলে বর্সাকে স্মরণ করতে পারবে না। এখন ভক্তি মার্গ অর্থাৎ ব্রহ্মার রাত সম্পূর্ণ হচ্ছে। এরপর বাবা এসে দিন স্থাপন করেন। অর্ধেক কল্প হলো ব্রহ্মার দিন আর অর্ধেক কল্প হলো ব্রহ্মার রাত। এ তো ঘোর অন্ধকার, তাই না। প্রতি মুহূর্তে বাচ্চারা বোঝালে তাহলেই লৌকিক এবং পারলৌকিক মাতা পিতার খুব ভালো প্রদর্শন হবে। রচয়িতা বাবার কাজ হলো -- স্ত্রী, বাচ্চা সবাইকে নিজের সাথী করা। নিজের রচনাকেও তো পথ বলে দিতে হবে। কাম চিতার পরিবর্তে জ্ঞান চিতায় বসতে হবে। এই বোর্ড খুব সুন্দর হতে পারে। বাবার তো খুব আশা থাকে। বাবা হলেন নিরাকার, নিরহংকারী। তিনি কেমন বসে বাচ্চাদের পালনা করেন। এ কথা তো বলা হয় যে - রাস্তায় চলতে চলতে ব্রাহ্মণ ফেসে গেলো, বাবা খোড়াই জনতেন যে তিনি প্রবেশ করবেন, আমি ব্রহ্মা হবো, তারপর শ্রীনারায়ণ হবো। তিনি কতো গালি খেয়েছেন। বাবা বলেন যে, তোমাদের থেকেও আমার অনেক বেশী গ্লানি করে। তোমাদের তো এক, দুটি গালি দেয় আর আমাকে তো নুড়ি-পাথরে বলে দেয়। আমার কতো নিন্দা করে দিয়েছে। রাজ্য - ভাগ্য পেতে হলে গালি খাওয়া কোনো বড় কথা নয়। আমাকে তো অর্ধেক কল্প ধরে গালি দিয়ে এসেছে। এও এই ড্রামার খেলা বানানো হয়ে আছে।

বাবা বলেন যে -- আমার অতি প্রিয় বাচ্চারা, আমি এনার মধ্যে এসেছি। তোমরা এনার দাড়ির লাজ রাখো। এনার দাড়ি অর্থাৎ এনার সম্মান। এখন কোনো কলঙ্ক লাগিও না। বিকারকে যোগবলের দ্বারা দূর করতে থাকো। কল্পে কল্পে তোমরা মায়াকে জয় করে জগতজিত হয়ে এসেছো। প্রজারাও স্বর্গের মালিক হয় কিন্তু তোমরা পুরুষার্থ করে মাতা-পিতার হৃদয়াসনকে জয় করো। এ হলো রাজযোগ। বাবা জানেন যে, মাম্মা - বাবা প্রথম নম্বরে যান। মাম্মা হলেন কুমারী কন্যা আর ইনি অধর কুমার। বাচ্চারা ঘরে এমন কোনো কাজ করলে বাবা বলেন, আমার দাড়ির লাজ রাখো। আমার নাম বদনাম করো না। খুব ভালোভাবে ঘরে ঘরে যেন এই বোর্ড লাগানো থাকে যে -- তোমরা এসে বেহদের বাবার থেকে আশীর্বাদী বর্সা নাও। রাজাদের, সন্ন্যাসীদের পরের দিকে জাগতে হবে। দিন প্রতিদিন তোমরাও তীক্ষ্ণ হতে থাকবে। তোমরা শক্তি পেতে থাকবে। তোমরা দেখছো যে সামনে বিনাশ উপস্থিত, লড়াইও লাগবে। এ হলো রুদ্র জ্ঞান যজ্ঞ। আমরা হলাম ব্রাহ্মণ। এই ব্রাহ্মণরাই আবার দেবতা হবে। তোমরা যত পুরুষার্থ করবে, তত উঁচু পদ পাবে। দিন প্রতিদিন এ অনেক সহজ হয়ে যাচ্ছে। বাবার রূপও তো তোমাদের বোঝানো হয়েছে। তিনি হলেন তারার মতো কিন্তু নতুনদের প্রথমেই এই কথা বলবে না। যখন খুব ভালোভাবে বুঝবে, তখন বলবে। যখন জিজ্ঞেস করবে, এত বড় রূপ, তখন বুঝিয়ে বলবে। এমন সাক্ষাৎকার তো অনেকেরই হয় কিন্তু এর অর্থ কেউই বুঝতে পারে না। আত্মা যেমন ঝলমলে তারা, বাবাও ঠিক তেমন। তাঁকেই পরমপিতা পরম - আত্মা বলা হয়। তাহলে পরমাত্মা হয়ে গেলো। তিনি এনার মধ্যে আসেন। এসে পাশে বসেন। যেমন গুরুর কাছে শিষ্য বসে যায়। তিনি শেখান, তোমরা হলে বাচ্চা। ইনিও পাশে থাকেন। বাপদাদা কন্সাইন্ড কিন্তু এ হলো গুহ্য রহস্য। কেউ যখন জিজ্ঞেস করবে তখন বোঝাতে হবে। না বাবা - বাবা করতে থাকো। বাবা তোমাদের স্বর্গের জন্য রাজযোগ শেখান। বাচ্চারা তো একথা জানেই যে, এই সময় পর্যন্ত যা কিছুই অতীত হয়ে গেছে, তা সবই ড্রামা। বিদ্বান তো আসতেই থাকবে। বাচ্চাদের কাছে মায়া জোরে তুফান আনবে কিন্তু তোমরা হাত ছেড়ো না। মায়া হলো অজগর।

খুব ভালো ভালো সন্তানদেরও খেয়ে নেয়। আগের কল্পেও এমনই হয়েছিলো। যারা তীক্ষ্ণ বিশালবুদ্ধির বাচ্চা হয়, তারা প্রতিটি কথাই বুঝতে পারে। তারা বিচার সাগর মন্ডন করবে যে, আমরা এমন - এমনভাবে কাউকে বোঝাবো, দান করবো। বাবা হলেন রূপ বসন্ত। তোমরাও হলে রূপ বসন্ত। বাবা বলেন যে, আমি হলাম স্টার, আমার মধ্যে এই পার্ট ভরা আছে। প্রতিটি আত্মার মধ্যে পার্ট ভরা আছে। এই কথা সাইন্সের অহংকারীরা বুঝতে পারে না। ওই রেকর্ড তো ঘষে নষ্ট হয়ে যায় বা ভেঙ্গে যায় কিন্তু তারার মতো আত্মা হলো অবিনাশী যার মধ্যে অবিনাশী পার্ট ভরা আছে। এর কোনো অন্তই হয় না। অন্তও যখন নেই, তখন আদিও নেই, এ চলেই আসছে। এই ড্রামার রহস্য এখন তোমরা বুঝছো। তোমরা হলে - অন্ধের লাঠি। তাদের পথ বলে দিতে হবে। এখন সকলেরই হলো বাণপ্রস্তু অবস্থা। বাণীর উর্ধ্বে যেতে হবে। বাবা বলেন যে, আমি তোমাদের সবাইকে নিয়ে যাবো, তাই যত সম্ভব বাবাকে স্মরণ করো তাহলেই বিকর্মের বিনাশ হবে। একে রুহানী যাত্রা বলা হয়। বাবা বলেন -- হে আমার পথিক বাচ্চারা, তোমরা পরিশ্রান্ত হয়ে না। তোমাদের বাবা এবং রচনাকে স্মরণ করতে হবে। এই রচনার মালিক হতে হবে। এ তো অতি সহজ। তোমরা সবসময় শিববাবাকে স্মরণ করতে থাকো। গাড়ি চালানোর সময়ও বুদ্ধির যোগ কোথায় থাকা উচিত? বাবা নিজের উদাহরণ দিয়ে বলেন যে ---আমি নারায়ণের পূজা করতে বসতাম, তো বুদ্ধি অন্যদিকে চলে যেতো। তখন নিজেকে চড় মারতাম। তো এখনো বুদ্ধি দৌড়াতে থাকে। আমাদের পুরুষার্থ করতে করতে তাঁর স্মরণে শরীর ত্যাগ করা উচিত। ভক্তিতে মানুষ বলে --- কৃষ্ণের স্মরণে শরীর ত্যাগ করলে আমরা কৃষ্ণপূরী চলে যাবো কিন্তু কৃষ্ণ তো সকলের বাবা নন। সকলের বাবা হলেন একজনই। সকলের সঙ্গতিদাতা "রাম" বাবা এসেই সকলের সঙ্গতি করেন। মুক্তি তো সকলেই পায় কিন্তু যারা প্রথমে আসবে তারা অবশ্যই সুখ দেখবে। নতুন আত্মা যখন উপর থেকে আসে তখন তার অনেক মান থাকে। যার মধ্যেই প্রবেশ করুক না কেন, তার নাম উজ্জ্বল হয়। তোমরা বাচ্চারা জানো যে এখন রাজধানী স্থাপন হচ্ছে। আমরাই এখন সেই দেবী - দেবতা তৈরী হচ্ছে। তোমরা ব্রাহ্মণরাই এখন সঙ্গমযুগে আছো, বাকি সবাই কলিযুগে। এখানে যারা আসেন, তারা মানবে যে, এখন কলিযুগের অন্ত। দুনিয়ার এখন পরিবর্তন হচ্ছে। তাই এ হলো মহাভারী মহাভারত লড়াই। তোমাদের দ্বারাই সকলে জ্ঞান পায়। মায়েদের তুলে ধরার জন্য বাবা আসেন কেননা মায়েদের উপর অনেক অত্যাচার হয়। আচ্ছা।

মিষ্টি - মিষ্টি হারানিধি বাচ্চাদের প্রতি মাতা - পিতা বাপদাদার স্মরণ - ভালোবাসা এবং সুপ্রভাত। রুহানী বাবার রুহানী বাচ্চাদের নমস্কার।

ধারণার জন্য মুখ্য সার :-

১) অতি প্রিয় বাবাকে স্মরণের পুরুষার্থ কে কতটা করে, তা সাক্ষী হয়ে দেখে, স্বয়ং আট ঘন্টা পর্যন্ত বাবাকে স্মরণের পুরুষার্থ করতে থাকো।

২) বাবার সমান রূপ বসন্ত হয়ে বিচার সাগর মন্ডন করে জ্ঞান দান করতে হবে। অন্ধের লাঠি হতে হবে।

বরদান :- অল্পকালের সংস্কারকে অনাদি সংস্কারের দ্বারা পরিবর্তন করে বরদানী, মহাদানী হও

অল্পকালের সংস্কার, যা না চাইলেও আমাদের বাণী এবং কর্ম করিয়ে থাকে, তাই তো বলা --  
আমার এই উদ্দেশ্য ছিলো না বা এই লক্ষ্য ছিলো না কিন্তু হয়ে গেলো । কেউ বলে যে, আমি ক্রোধ  
করি নি কিন্তু আমার বলার সংস্কারই এমন -----তাই এই অল্পকালের সংস্কারও অনেকসময় বাধ্য  
করে দেয় । এখন এই সংস্কারকে অনাদি সংস্কারে পরিবর্তন করো । আস্কার অনাদি, প্রকৃত সংস্কার  
হলো সদা সম্পন্ন, সদা বরদানী আর মহাদানী ।

স্লোগান :-- পরিস্থিতি রূপী পাহাড়কে উড়তি কলার পুরুষার্থ দ্বারা পার করাই হলো উড়ন্ত যোগী  
হওয়া ।